

# «Bia glied plidenta mei»

Presentaziun dallas candidatas romontschas dalla concorrenza Miss Südostschweiz 2008: Oz Lea Heini

DA SIMON BUNDI

■ **L'entschatta digl onn ei Lea Heini da Glion s'annunziada alla concorrenza Miss Südostschweiz. Ussa ei la giuvna blonda ina dallas dudisch finalistas dalla concorrenza da bellezza.** Ella vev gest schau far zacontas fotos per ina collega e tarmess quels malets all'organiziun dalla Miss Südostschweiz. «Jeu havess mai tertgau ch'jeu contonschi il final, ussa denton sun jeu leda», di *Lea Heini*. La glied reageschi a moda positiva. Dapi che la giuvna culs eglis blaus ei ina dallas dudisch finalistas vegn ella plidentada en sortida ni ell'apoteca Tomasschett a Glion nua ch'ella ha gest terminau igl emprendissadi d'assistenta da farma. «Bia glied ch'jeu strusch enconuschel giavischa a mi bien cletg.» Lea Heini gauda ils shootings da fotos ed il temps da preparaziun tochen al final dils 30 d'uost a Cuera: «Jeu sai rimnar novas experientchas e vesel ina massa.»

## Sin tgei mira la giuria?

La giuvna ch'ei 1,70 meters gronda vul far il pusseivel per gu-

dignar. Giudicar con bunas che sias schanzas ein sa ella buc. «Igl ei grev dir sin tgei che la giuria mira.» Eis ei il caracter dallas candidatas? Ni plitost co ellas semovan? Caminar sc'in model seigi ina caussa empau hanada. «Il bia mondel jeu memia spert. Quei ei grev da disar giu», declara la blonda da 19 onns. Entras quei che las candidatas ston rispunder a damondas spontanias sin tribuna exercitescha Lea Heini era la maniera da discuerer ella publicitad: «Jeu sun ussa pli prompta per ina risposta.»

## Malsegirtad ella vitrina

L'atmosfera enteifer las dudisch finalistas seigi buna, sincerescha la candidata ch'ei carschida si a Glion. Era sias collegas sustegnian ella fetg, vulan adina saver tut il niev e gidan ella nua ch'ei san. Mai ad emblidar vegn Lea Heini la show da moda el Casinno Bogn Ragaz. «La schanza da presentar moda sin ina passarella ha tuttina buca mintgin.» El Globus a Cuera ein las finalistas seipresentadas en ina vitrina avon ils passants. Sco ella di ei quei stau in curios sentiment avon che passar ella vitrina. «Pli pro-

babel erel jeu nervusa perquei ch'jeu savevel che mes geniturs spitgavan sin via ell'emprema retscha», di ella riend.

## Massa plans pil futur

La giuvna che legia bugen, che numna era ir cun aissa e senudar siu hobi, sa tgei ch'ella vul. Igl atun entscheiva ella in praticum dad in onn en Casa Depuoz a Trun. Ir entuorn cun glied impedida ha ella adina saviu bein. «Gia da pintga ensi hai jeu vuliu imprendier in mistregn social.» Suentar il praticum a Trun vul Lea Heini far la maturitad professiunala e silsuentar absolver ina scola da lavur sociala e pedagogia sociala. E co stat ei cun luvrar sco model? «Sch'ei sedat la schanza prendel jeu naturalmein temps persuentar, malgrad tutta scolaziun», di ella. Luvrar sco model seigi fetg bi, ina occupaziun per l'entira veta seigi quei denton strusch. «Pigl auter lavur jeu memia bugen cun glied impedida per desister da quei e mo luvrar sco model.»

Ulteriuras informaziuns e malets dils shootings ein d'anflar sut: [www.miss-suedostschweiz.ch](http://www.miss-suedostschweiz.ch).



Lea Heini ei carschida si a Glion. Ella ei la secunda dallas treis candidatas che La Quotidiana presenta.

FOTO MISS SÜDOSTSCHWEIZ

## Treis damondas discretas

### Bellezia ei per mei-

... enzatgei individual che dependa dil tuttatg dil gust persunal. Tenor mei plai a mintgina ed a mintgin enzatgei auter fetg bein.

### Treis causas per in'ins-la solitaria?

1. mia famiglia,
2. mias amitgas,
3. miu amitg

### Jeu less daventar Miss Südostschweiz perquei...

... ch'jeu sun bilingua. Esser bilings ei in avantatg en in uffeci public sco quel dalla Miss Südostschweiz.

## Il ruaus avant il chatsch

■ (lq) In possessur da bartgas e pedalos fa las davosas preparativas per la fin d'emna cun aura pli bella e pli chauda. Era sin il Lag la Cauma vegn la cuntrada idillica a sa transfurmar en in lieu cun blera truscha e blera glied che vul giudair il temp liber.



KEYSTONE

## SVIZRA / GRISCHUN

### Libia retegna la furniziun da l'ieli

(lq) La situaziun tranter la Libia e la Svizra è dapi la gievgia anc pli critica. L'Associaziun naziunala da bastiments da la Libia communitescha ch'ella haja gia la mesemna retegna la furniziun da l'ieli. Tenor il manager da l'associaziun statale da bastiments *Ali Bilhajj Ahmed* saja quella decisiun giustifitgada. Sia giustificaziun è ch'il figl dal schef dal stadi *Muammar Gaddafi* saja vegnù arrestà a Genevra. La fatschenta n'ha betg fatg indicaziuns davart la dimensiun da la furniziun ch'è pertutgada dal stop. Il Departament federal dals affars exterius (EDA) na pren betg posiziun en chaussa. Era l'agentura svizra da l'associaziun da l'ieli libanaisa Tamoil na leva dir nagut davart la farmada. La Libia è per lunsch or il pli impurtant furnitur da l'ieli per la Svizra. Tuttina n'haja i anc betg dà problems als tancadis.

### Accident mortal a Donat

(lq) Tranter Donat e Ziràn en Val Schons è in motociclist da 28 onns sa disgrazià la mesemna saira mortalmain. En ina storta lunga è el charrà sin il cuntervial ed è collidà frontal cun in vehichel da persunas. L'um da derivanza australiana viveva en l'Italia.

### Camiun ha pers ina roda

(lq) La gievgia marvegl ha in camion pers ina roda en il tunnel Is-la-Bella sin la A13 a Givaulta. Il camion è vegnù en collisiun cun dus autos. L'accident ha chaschnà quatter lev blessads. Per segirtad è el vegnù transportad en il Spital chantunal a Cuira.



Bovas da crappa davan tan pli e pli in privel en las muntognas.

KEYSTONE

## Il privel crescha

(lq) Bovas da crappa davan tan pli e pli in privel en las muntognas. En cuntrari da las lavinas è il dumber da las bovas da crappa creschi ils davos onns massiv. Il motiv è il stgaudament dal clima. Entras las differenzas da temperatura è il terren dapli en moviment. «El hiperventilescha», ha ditg *Gion Cla Feuerstein*. El è manader da la regia sid da l'UF-

fizi chantunal per il gaud. Pli savens constatescha el era donnas d'aua u da bovas. Eveniments numnads avant paucs onns eveniments dal tschientaner sajan oz eveniments che serepetan mintga 20 onns. Nagin problem acut saja la scheltira luentada en il Grischun, ha ditg Feuerstein. Quai saja dentant il cas en ils chantuns Vallais e Berna.



## L'AURA

### Da recumandar il mantè da plievgia

Situaziun generala: Ina vigurusa zona da pressiuon auta sa sposta plausieuv vers nordvest.

Oz: Tscha e là nivels da cumulus, mo strusch precipitaziuns. Vent moderà.

Prognosa: En il nord: Sonda mo anc per part sulegliv, tendenza d'urizis nà dal vest. Dumengia aura variada e chamitsch. Da temp en temp pluvidas, surtut en l'ost. Glindesdi e mardi detg sulegliv. Suentar mezdi singulas pluvidas ed urizis, surtut glindesdi. En il sid: Sonda per part sulegliv cun singulas pluvidas u urizis, surtut durant la segunda part dal di. Dumengia enfin mardi detg sulegliv e chamitsch.



www.littlecowboy.ch | 372